

Socijalistička Republika Bosna i Hercegovina
REPUBLIČKI KOMITET ZA OBRAZOVANJE,
NAUKU, KULTURU I FIZIČKU KULTURU
S A R A J E V O

Broj: 03-611-341/90.
Sarajevo, 8.8.1990.godine

REPUBLIČKA UPRAVA ZA GEODETSKE
I IMOVINSKO PRAVNE POSLOVE
S A R A J E V O

OBRAZOVANJE GEODETSKOG KADRA

(GEODETSKI TEHNIČAR - GEOMETAR IV STEPEN)

U vezi sa našim aktom broj: 03/1-611-1/90. od 17.7.1990.godine obavještavamo vas slijedeće:

Zakonom o srednjem usmjerenom obrazovanju i vaspitanju propisano je da se srednja škola koja ispunjava utvrđene uslove upisuje u Registar srednjih škola i može izdavati svjedočanstva i druge javne isprave o završetku obrazovanja odnosno pojedinih razreda i oblika obrazovanja. Uslovi koje treba da ispunjava škola da bi mogla biti upisana u registar su da ima obezbijeđen, u skladu sa normativima, školski prostor, namještaj, nastavna sredstva i odgovarajući nastavni kadar. Radi utvrđivanja uslova za upis u registar verifikovanih srednjih škola Republički komitet za obrazovanje, nauku, kulturu i fizičku kulturu imenuje stručne komisije, koje sačinjavaju radnici Komiteta i radnici pedagoških zavoda zaduženi za određenu struku, a po potrebi i istaknuti stručnjaci iz udruženog rada u struci za koju škola vrši obrazovanje učenika i polaznika. Kako u navodima (Republički pedagoški zavod i međuopštinski pedagoški zavod) nema stručnih radnika za neke struke, konkretno, ni za građevinsku i geodetsku struku, u proteklom periodu u stručne komisije imenovani su isključivo stručnjaci iz udruženog rada.

Treba napomenuti da u SR BiH postoje Normativi za projektovanje i građenje zgrada srednjih škola i Normativi nastavnih sredstava za zajedničku vaspitno-obrazovnu osnovu srednjeg usmjerenog obrazovanja i vaspitanja. Međutim, Normative nastavnih sredstava za predmete zajedničkih osnova struke i stručnog obrazovanja donio je Savjet za unapređivanje vaspitno obrazovnog rada Bosne i Hercegovine, tek krajem 1987.godine što znači da se od školske 1988/89.godine moglo pristupiti potpunijem pregledu cjelokupne vaspitno obrazovne djelatnosti svih srednjih škola u BiH. Do pojave normativa u jednom broju škola nisu bili ispunjeni zahtjevi "minimuma" nastavnih sredstava pa su te škole bile privremeno verifikovane, odnosno bile su upisane u Registar samo do završetka obrazovanja i vaspitanja učenika i polaznika zatečenih u procesu obrazovanja.

S obzirom na činjenicu da su navedeni Normativi, za svaki predmet zajedničkih osnova struke i stručnog obrazovanja normirani velikim zahtjevima, kako nastavnim materijalom tako i tehničkim sredstvima za njihovo prezentiranje, uticali su i na smanjenje zahtjeva za upis u pojedine obavezne profile, odnosno struke. Zahtjevi normativa reducirali su i broj obrazovnih mjesta građevinske i geodetske struke. Tako npr. u toku školske 1989/90 godine u BiH navedena struka izučavala se na 26 obrazovnih mjesta, a od ovog broja u sedam škola se vrši obrazovanje za geodetskog tehničara - geometra, IV stepen. Od školske 1990/91. godine obrazovni profil - geodetski tehničar - geometar, IV stepen biće zastupljen u četiri školska centra (OOUR Građevinska škola "Pavao Radin" - Banja Luka, RO Građevinski školski centar u Mostaru, RO Građevinsko-geodetski obrazovni centar u Sarajevu i SOUR Tehnograd Tuzla - RO Građevinski školski centar "Leonar Baker"), dok se u tri škole (Bijeljina, Bratunac i Zavidovići), završava obrazovanje u okviru ovog profila i ove škole (za geometra) ne planiraju upis nove generacije učenika.

Na kraju vas obavještavamo da će stručne komisije Republičkog komiteta za obrazovanje, nauku, kulturu i fizičku kulturu u skladu sa odredbama člana 41. Zakona o srednjem usmjerenom obrazovanju i vaspitanju - Prečišćeni tekst ("Službeni list SR BiH" broj 6/87) i člana 4. Pravilnika o postupku utvrđivanja uslova i o sadržaju i načinu vođenja Registra srednjih škola ("Službeni list SR BiH", broj 11/88) pristupiti postupku utvrđivanja uslova rada srednjih škola (pregled cjelokupne vaspitno-obrazovne djelatnosti, referifikacija, verifikacija uslova upisa nove struke, obrazovnog profila i zanimanja) na području mostarske, banjalučke i bihačke regije. Za vrijeme ovog pregleda (pregled počinje već od 3.septembra 1990.godine) izvršiće se reverifikacija svih srednjih škola navedenih regija pa i onih koje vrše obrazovanje učenika i polaznika u okviru obrazovnog profila - geodetski tehničar - geometar, IV stepen. Kako reverifikacija traži pridržavanje zahtjeva sadržanih u Normativima nastavnih sredstava za predmete zajedničkih osnova struke i stručnog obrazovanja, nije isključivo da neće doći do smanjenja broja obrazovnih mjesta za građevinsku i geodetsku struku u školama onim koje ne ispunjavaju uslove za verifikovan rad.

MP

POMOĆNIK PREDSJEDNIKA

Ana Čavaljuga, s.r.